

INDEX GEOGRAPHICUS. 73

Latit.
Gr. Scr. Longit.
Gr. Scr.

Madianitarum & Moabitarum filia eos ad fornicationem & idololatriam pellexerunt, Numer. 25. ideoque & Zambri filius Sala dux de cognatione & Tribu Simeonis, & Cozbi mulier Madianitis filia Sur principis nobilissimi Madianitarum, à Phinee interficiuntur. tandemque Madianitæ, & Reges eorum quinque, & masculi omnes, mulieresque deleti, virginibus tantum servatis. Aliquando autem Madianitis servierunt Israëlita septem annis, Jud. 6. Sed eos Gedeon delevit, Israëlitasque à servitute liberavit, c. 7. & 8. In Judith dicitur Holofernes abduxisse omnes filios Madian, & prædavisse omnes locupletationes eorum, 2. v. 16.

Madon. V. Abdon.

Magdalen-Horem, sic legimus in Josue 19. v. 38. qui urbes novemdecim dicit in Tribu Nephthalim; nec alia est utriusque nominis mentio. Vide Animadv.

Magdalgad urbs, quæ in tertia parte Tribus Judæ tertia describitur, inter Hadassa & Dedan, Josue 15. v. 37.

Magdalum. Exod. 14. v. 2. Reverfi (Israëlita) castrametati sunt è regione Phihahiroth, quæ est inter Magdalum, & Mare, contra Beel-sephon. Numer. 33. v. 7. venerunt contra Phihahiroth, quæ respicit Beel-sephon, & castrametati sunt ante Magdalum. Jerem. 44. v. 1. & 46. v. 14. Hujus Magdali tamquam urbis in Ægypto celeberrimæ mentio est, cum Taphni scilicet, & Memphi, & Terra Phatures, i. Thebis: quæ Inferioris, Mediæ, & Superioris Ægypti tunc urbes maximæ essent. Magdalum, quam habet Antonini Itinerarium 12. à Pelusio milliari, fortassis cum nostra hac Magdalo convenit.

Magedan, Matth. 15. v. 39. locus trans Mare Galilææ respectu Capharnai, & Beth-saida, qua Christus abiit post septem panum multiplicationem: idem est, aut alter alteri vicinus Dalmanutha, Marc. 8. v. 10. ex quo tractus vicinus nunc ab illo, nunc ab altero nomen habet.

Mageddo urbs regia, ex qua, Josue 12. v. 21. Rex Mageddo unus, ex iis scilicet, quos Josue devicit. Et 17. v. 11. Josue ponit habitatores Mageddo in Tribu Manasse. Sic & 1. Paral. 7. v. 29. Judic. tamen 1. v. 27. Manasse non delevit habitatores Mageddo. 3. Reg. 4. v. 12. Bana filius Ahilud regebat Thanac, & Mageddo, & universam Bethsan: eamque Salomon reedificavit. ibid. 9. v. 15. 4. Reg. 9. v. 27. Ochofias vulneratus fugit in Mageddo & mortuus est. ibid. 23. v. 29. Ascendit Pharaon Nechao Rex Ægypti contra Regem Assyriorum... & abiit Josias Rex in occursum ejus, & occisus est in Mageddo.

Mageth, 1. Machab. 5. v. 26. recensetur inter urbes, in quibus Galaditæ Israëlitas detinebant; sed quos liberavit Judas Machab. urbesque cepit, v. 36. Vide Mennith.

Magog filiorum Japheth secundus, Genes. 10. v. 2. Vide Japheth: ubi posteris Magog Scandiam omnem sive Scandinaviam, ubi Daniæ, Sueciæ, & Norvegiæ Regna sunt, dedimus; & id ante nos sensit Ambrosius, qui pro Magog Gothos interpretatur. Gothi etenim ipsi in Scania populi sunt celeberrimi. Non autem inficias ibimus, quin ex iis aliqui in Sarmatiam utramque, & in Scythiam Asiaticam jam olim transferint, ut Josepho, Hieronymo, Eustathio, aliisque aliquid concedamus; qui Magog Scytharum; etiam Arabibus, qui Tartarorum parentem putant. Posterorum Magog prima sedes erit in Europa, in qua omnes Japheti filii suas habuisse sedes diximus.

Malogranatus. V. Gabaa.

Mambre. V. Hebron, & Convallis Mambre.

Manaath. 1. Paralip. 8. v. 6. hi sunt filii Aod principes cognationum

33. 7. 67. 17.

32. 59. 67. 31.

31. 32. 66. 32. $\frac{1}{2}$

28. 25. 63. 30.

32. 32. $\frac{1}{2}$ 67. 54.

32. 27. 66. 29.

32. 7. 67. 54.

66. 0. 35. 0.

31. 25. 66. 20.

32. 21. 66. 27.